

Henny Eman den homenaje na Watty Vos: ‘Watty, nos a pasa hunto den temponan bon y temponan dificil. Pero awe henter mundo ta respetá nos país’

ORANJESTAD - ‘Den historia político moderno di Aruba nos no conocé un homber, un político Arubiano cu ta stima y dedicá su tempo tanto pa su Pueblo manera Watty. El a surpasá retonan inmenso y lucha contra enemigonan cla y enemigonan escondí y el a vence semper ! Pasobra e ta un hende recto. Pasobra e ta Watty! Watty, nos a pasa hunto den temponan bon y temponan difcil. Pero awe henter mundo ta respetá nos país. Watty, pabien cu e 26 año di dedicacion den política pa nos país. Cu bo lo sigui pa hopi año mas. Aruba mester di bo awor y den futuro. Ban sigui.....nos a demostrá cu hunto nos por!’ Cue palabranan emocioná aki Henny Eman a felicitá y gradicí Watty pa e añanan den servicio público, den e funcionnan mas halto di nos país. Cu un abrazo di rumannan político y amigonan íntimo, Watty y Henny a demostrá un biaha mas un lazo fuerte y un union político indestructibel cu a sirbi nos país den multiple situacion den pasado. E realizacion di Status Aparte, e Rescate Económico di nos país, e Reparticion Mas Husto Di Entradanan den nos país, Cas Pa Henter Nos País, Mas Seguridad pa nos país y un cantidad di logronan grandi mas. Tur hende ta corda e acusacionnan serio contra di Watty Vos y Henny Eman bao Gobierno di MEP y e insinuacionnan político serio den e prome año di Gabinete Eman II. Tur hende ta corda con oposicion y otronan cu interesnan anti-Aruba, a insinuá un kiebra entre Henny y Watty. Tur, pero tur e acusacion y insinuacionnan aki a keda demostrá di ta falso. Tur biaha atrobe Henny y Watty a fortificá nan relacionnan di amistad y politca. Y cada biaha di nobo Watty y Henny a sali completamente sin ningun daño di tur e acusacionnan contra di nan. Cada biaha di nobo Watty y Henny a mostra Aruba y mundo cu aki ta trata di dos jiu di tera cu hunto a saca e país for di problemanan creá dor di otronan, cu nan mester a carga y solucioná, y cu hunto nan a hiba nos país bek den awanan tranil y sigur. Henny y Watty hunto a percurá pa awe Aruba ta e país cu e ta: un país respetá den henter mundo. Un país cu ta un ehempel pa henter mundo.

Un país chikito, cu un Pueblo grandi y sirbidornan manera Henny y Watty cu conocé loke ta biba den curazon di nos hendenan y bez tras bez a sirbi

nan Pueblo manera realmente políticonan mester haci.

Henny y Watty ta awe e ehempel di políticonan fuerte; di un union político cu un vision

comun y metanan bon cla. Dos político cu conocé otro bon y cu poco palabra sa kico tin di haci hunto.

Watty den su reaccion

cortico na Henny a bisa: ‘Henny, e amistad aki ta mas cu di amigo. E ta di ruman. Nos a demostrá cu nos por. BAN PE !’